

02. Juni 2022

UPA 2022/173

**Qanoq iliornikkut eqqumiitsuliornermut isiginnittariaaserput kulturiinnarmut sunngiffimmilu suliassaannartut attuumassuteqarunnaartillugu, annerusumik inuussutissarsiutitut akuerisaanerulersissinnaanera pillugu apeqquteqaat aallaavigalugu oqallissiaq.**

(Inatsisartuni ilaasortaq, Aqqalu C. Jerimiassen, Atassut)

Siumumit imaattumik oqaaseqassaagut.

Siumup siunertaraa inuussutissarsiorneq arlalinnik tunngavilik nunanullu allanut unammillersinnaasoq piorsassallugu. Inuussutissarsiutitigut assigiinngiaartumik aningaasarsiornikkut toqqammaveqarnissaq anguniarlugu suliffeqarfinnut atugassarititaasut ataavartumik eqaannerulersillugillu pitsanngorsarneqassapput, siunissaq isigalugu nunarsuarmioqataajartornitta malitsigisaanik aamma eqqumiitsuliorortoqarnitta massakkornit annertunerusumik ineriartortinneqarnissaa siumumiit siunertaraarput.

Kalaallit Nunatsinni Inuussutissarsiornermi pingaarnertut tunngaviupput Aalisarneq, Suliffissuaqarneq, Aatsitassarsiorneq Takornariaqarnerlu. Taamaattoq pisariaqarpoq nunalerinermik uumasuteqarnermik, minnerunngitsumik kulturip tungaatigut filmiliornermik inuussutissarsiuteqarnerup annertusarnissaa aningaasarsiornikkut siuarsartuarsinnaaqulluta Siumumiit isumaqarpugut.

Nunarput nammineq filminstittutimik pilersitsissasoq sulissutigineqassaaq, avataaninganniit filmiliorniarlutik nunatsinnukartut isaavissaat. Tassunga atatillugu filmiliornermut inatsit aqqissorneqarnissaa sulissutigineqassaaq.

Innuttaasoq kinaluunniit inuussutissarsiutinik nammineerluni ingerlataqarnissamut piumassuseqartoq namminersorluni ingerlataqalernissamut periarfissaqartinneqartariaqarpoq. Inuussutissarsiutitigut tapiissutaasartut aningaasarpasuit pitsaannerusumik kinguneqarnerusumillu atorneqartalernissaat siunertaralugu aqqissuuseqqittoqassaaq, nunami sullivinnik nutaanik nioqqtissiorfiusunik pilersitsiortornissaq siunertarlugu.

Soorlu ilaatigut Siumumiit siornatigut oqaatigisareeripput nipilersortartunut periusissiamik nunatsinnut pilersaarusiortoqarsinnaasoq, taamaasilluni pitsaassuseq aallaavigalugu nunanut allanut nittarsaassineq niuernerlu angusinnaajumallugit ineriartortitsinissamut sinaakkusersuisoqarsinnaalluni. Nuannaarutigeqisannik Kalaallit Nunaanni Eqqumiitsuliornermut Aningaasaateqarfik pillugu

Nalunaarut Naalakkersuisuninngaanniit aggustimi 2021-mi akuersissutigineqarpoq, tamannalu siumimiit nuannaarutigearput, taamaalineranilu Kalaallit Nunaanni eqqumiitsuliornermut aningaasaateqarfiup siulliup pilersinnissaa aallartittussanngortinneqarsimalluni.

Siumiit anersaarisatsinnutaaq ilaalluinnarpoq inuussutissarsiornikkut siorsaaqataanissaq, taamattaarlu assaat sulisinnaasut sulerusuttullu tamarmik periarfissaqartinneqartarnissaat. Eqqumiitsuliorneq anersaarsiornerinnartut taaneqassanngilaq, nunarsuarmioqatitsinnit



inuussutissarsiutit ilaattut atorneqalereersimasoq. Taamaattumik inuusuttortarpassuagut eqqumiitsulionerup silarsuaani pikkoriffippassuaqartut piginnaaneqartullu kaammattornissaat aammattaaq pingaartillugu, suliffissat siammasinnerusut periarfissallu arlaqarnerusut nunatsinni siunissami pigilersinnaajumallutigit oqallisissiamut qujalluta oqallilluarnissassinillu kissaallusi taamak siumumiik oqaaseqarpugut.

Lars Poulsen, Siumut